

雜症

馮氏錦囊

九

汪慎平

馮氏錦囊秘錄雜症大小合參卷十二

男 乾吉佐民

海鹽馮兆張楚瞻甫纂輯 門人孫顯達惟良仝較

男 乾德進修

論咳嗽 見科

咳謂無痰而有聲。肺氣傷而音不清。嗽謂無聲而有痰。脾溼動而痰氣侵。咳嗽謂有痰有聲。因傷肺氣。繼動脾溼。出然痰之標在於脾。痰之本在於腎。故有宜燥劑以消之者。有宜潤劑以化之者。在小兒由風寒乳食者居多。宜從燥以消之。辛以豁之。半夏陳皮全胡之類是也。經雖曰五臟

六腑皆能令人咳然必臟腑各受其邪而與之終不能離乎肺也因痰而嗽者痰爲重主治在脾因咳而動痰者咳爲重主治在肺以時而論之咳於春春氣上升也咳於夏火氣炎上也咳於秋溼熱傷肺也咳於冬風寒外感也以一晝夜而計之清晨嗽者屬痰火上晝嗽者屬胃火午後嗽者屬陰虛黃昏嗽者火氣浮於肺經五更嗽者食積滯於三焦肺實而嗽者必頓嗽抱首面赤反食肺虛而嗽者必氣逆虛鳴顏白殮瀉肺熱而嗽者必痰程而稠身熱喘滿鼻乾面紅手捏脅目鼻面肺寒而嗽者必嗽多痰薄面白而喘毛粟腸鳴惡風多涕然嗽之爲病雖主乎肺實從

於心。心氣過盛。則火爍金。治當抑心滋肺。若脾氣虛冷。則不能相生。是以肺氣不足。風邪外襲。痰溼內生。治宜補其脾。肺若脾實中痞。則熱氣上蒸。治宜瀉脾清肺。故心乘肺爲賊邪。肝乘爲微邪。腎乘爲實邪。脾乘爲虛邪。肺自病者爲正邪。凡一咳卽出痰者。脾虛不勝溼而痰鬱也。有連咳十數聲不出痰者。肺燥勝痰溼也。滑者宜南星半夏之屬。燥其脾。若利氣之劑所當忌也。澁者宜枳殼蘇子杏仁之屬。利其肺。若燥脾之劑所當忌也。大抵脾氣不足。則不能生。肺家之氣。風邪易感。故患肺寒者。皆脾虛得之。患肺熱者。多脾實得之。若至唇縮胸陷。喉有鋸聲。鼻乾焦黑。咳嗽。

氣粗。心腹脹痛者死。若嗽久音啞。直視手牽。鵝聲腹脹。喘急多驚者。必變風候而死。若齟齬而聲嘶如鏗。唇而皆青。項下四陷。涎如膠漆。口生腥臭。喘甚唇縮者死。至於小兒百日內嗽。各爲乳嗽。肺葉尤嬌。最易傷損。更須急治。久則血脈貫臉。兩眶紫黑。或眼白紅赤如血。謂之血眼。當用生地黑荳共研成膏。掩於眼上。則眶黑自消。血隨淚出而愈。

論喘 見采

喘急者。氣爲火所鬱。而積痰在肺胃也。膏粱之人。奉養太過。及過愛小兒。皆能積熱於上。而爲喘咳。宜以甘寒之劑治之。脈經云。肺盛有餘。則咳嗽上氣。喘渴心煩。胸滿短氣。

皆衝脈之火行於胸中而作係在下焦非屬土也蓋雜病  
不足之邪起於有餘病機之邪自是標本病傳凡餘食勞  
役喜怒不節及水穀之寒熱感則害人六腑皆由中氣不  
足故臏脹腹滿咳喘嘔食宜皆以大甘辛熱之劑治之又  
曰寸口陰脈實者肺實也肺必脹上氣喘逆咽中塞如嘔  
狀自汗皆肺實之證右寸陰脈虛者肺虛也必咽乾無津  
少氣不足以息然實者肺中邪氣實也虛者肺中正氣虛  
也故華佗云盛則爲喘減則爲枯活人云發喘者氣有餘  
也非言肺氣盛及有餘乃言肺中之火盛及火有餘也故  
瀉以苦寒之劑非瀉肺也瀉肺中之火實補肺也金匱又

曰實喘者氣實肺盛呼吸不利肺竅壅塞若寸沉實宜瀉  
肺虛喘者氣短腎虛先覺呼吸少氣兩脇脹滿左尺大而  
虛此腎虛症治宜補腎勿謂小兒無慾腎實如稟先天不  
足者尤爲真虛耳故實則清理其上虛則溫補其下况上  
病療下治法之要領也然大抵初喘多屬外因宜從標治  
或因風痰壅塞者必兼壯熱咳嗽鼻塞頭疼因痘疹未出  
者必兼驚厥煩燥身熱足冷因停滯脹滿者必兼嘔吐惡  
食噯臭肚疼因驚瀉痰熱者必兼抽掣搐搦而青啼叫因  
痰哮喘者必發秋冬暴冷張口擡肩如非前症繼諸病  
後非子令母虛卽脾虛兩困多從本治况有短氣少氣似

喘○非○喘○更○難○與○喘○同○例○也○諸○喘○久○而○不○愈○者○不○妨○先○用○劫  
藥○一○二○服○卽○止○既○止○之○後○因○痰○治○痰○因○火○治○火○可○也○然○喘  
脹○二○症○相○因○並○皆○小○便○不○利○故○喘○則○必○脹○脹○則○必○喘○先○喘  
而○後○脹○者○主○於○肺○先○脹○而○後○喘○者○主○於○脾○經○曰○肺○朝○百○脈  
通○調○水○道○下○輸○膀○胱○又○曰○膀○胱○者○州○都○之○官○津○液○藏○焉○氣  
化○則○能○出○矣○是○小○便○之○行○由○於○肺○氣○之○降○下○而○輸○化○若○肺  
受○邪○而○喘○則○失○降○下○之○令○以○致○水○溢○皮○膚○而○生○腫○滿○此○是  
喘○爲○木○腫○爲○標○治○宜○清○金○降○氣○爲○主○而○行○水○次○之○更○脾○主  
肌○肉○惡○溼○尅○水○若○脾○虛○不○能○制○水○則○水○溼○妄○行○外○侵○肌○肉  
內○壅○溢○上○因○肺○氣○不○得○下○降○而○喘○乃○生○此○是○腫○爲○本○喘○爲



標治當實脾行水爲主而清金次之肺症而用燥脾之藥則金得燥而喘愈加脾病而用清金之藥則脾得寒而脹愈甚矣如無故喘聲陡發如鋸身不熱而目竄者鼻孔脇肋心胸俱爲開張者腹硬青筋口吐涎沫面無神色而唇白者諸病小痊之後忽交子午時喘鳴者喘促目急黑睛出汗印堂青色者皆爲不治其脈滑而手足溫者生脈瀉四肢寒者死經曰喘鳴肩息者脈實大也緩則生急則死蓋喘鳴肩息者陽症也脈當實大更實大中而緩則邪氣漸退故可得生若實大中而急則邪氣愈增病當死矣

喉吼喘者。喉中如拽鋸。有水雞之聲者是也。如氣促而連屬。不能以息者。卽謂之喘。夫哮以聲響。名喘以氣息。言耳。喉如鼯聲者爲虛。喉如水雞聲者爲實。丹溪曰。治哮必用薄滋味。專主於痰。宜大用吐藥。吐藥中宜多用醋。不可純用涼藥。兼當帶表散。蓋此是寒包熱也。亦有虛而不可吐者。慎之。總是痰火內鬱。風寒外束。而然。亦有過啖醜酸。邪久勝理而致者。治法須審其新久虛實可也。一朱姓兒三歲。哮喘大作。聲聞隣里。二三日不止。身熱汗出。一醫投以滾痰丸。利之下瀉。二三次。其勢更甚。六脈洪數。胸脇扇動。扶肚擡肩。且久無寧刻。粒米不能食。頭汗如

兩數日不寐。勢甚危迫。乃延余治。余曰：誤矣。夫聲出於氣。喉連喘數日。下元已傷矣。今以峻利藥從食喉下之。伐及無辜。下元更虛極矣。所以有扶肚擡肩惡候來也。令以人參、麥冬各一錢，五味子七粒，肉桂三分，水煎溫服。一日二劑。服後而哮聲頓減。至夜復作。次日往視。余曰：此氣少復而陰未有以配之也。乃以入味之。加牛膝、麥冬、五味子者。內熟地每劑五六錢，桂附每劑各四分。水煎冷服。午前午後各一劑。服後而竟熟睡。醒來飲食大進。其聲悉止。次日往視。喘熱俱已。但勞力運動。喘聲微有。此未還元之故也。以生脈飲調理三四日。精神全復。

欵花五味子湯 治小兒久嗽

欵冬花

五味子

麻黃

馬兜鈴

杏仁

去皮各  
各二錢

甘草

錢多一

水煎食遠服

人參寧肺湯

治小兒肺胃俱寒、涎喘氣急、不得安眠

人參

五味子

茯苓

白朮

陳皮

去白甘草

各三錢

薑棗水煎食遠服

杏蘇飲 治小兒喘急咳嗽不止

杏仁

去皮尖炒

紫蘇子

炒

陳皮

去白

赤茯苓

桑白皮

大腹皮 半夏麩

甘草

各一錢

薑棗水煎食遠服

貝母膏 治風熱天哮

黑玄參 焙  
山枝 炒  
天花粉 焙  
川貝母 焙  
枳殼 焙  
橘紅

百部 炒  
黃芩 焙  
杏仁 各一兩  
桔梗 焙  
甘草 焙  
各五錢

薄荷 焙七錢  
淨葉  
蜜丸彈子大燈心湯或淡竹葉湯化下

潤肺化痰膏

大白梨 汁一  
白茯苓 四兩乳製晒  
麥冬 四兩  
川蜜 一  
斤 乾研極細末 熬汁 斤

川貝母 一兩去  
心研末  
核桃肉 四兩去皮  
淨搗爛  
先將梨汁熬熟

將蜜煉熟入前藥在內再熬成膏如痰有血入童便四

兩在內每早空心白湯調半茶鍾服

清化丸 治肺鬱痰喘

貝母 杏仁

青黛 桑白皮 地骨皮 蘇子 萊菔子 葶藶 杏仁 貝母 枳殼 桔梗 甘草 薄荷 黃芩 茯苓 麥冬 川蜜

金方 治初生十日，至五十日，卒得嗽逆吐乳。

生薑片 桂心 錢二 甘草 款冬花 紫苑 錢各三 杏仁

蜜 各一 山梔 錢一 石微火煎，如餡塗唇化下。

吉氏治乳麪方

天竺黃 蚌粉 煨 等分研和蜜調塗乳上令吮。

補肺阿膠散 治肺虛久嗽作喘。

人參 阿膠 各一兩 白茯苓 馬兜鈴 去老 糯米 錢各五

杏仁 二十一 甘草 四錢 為末取二錢水煎服。

定喘湯 治麪嗽無不取效 見方脈喘哮門。

方脈咳嗽合參

兒科喘哮諸方

大咳嗽之所以累人者以其難於立止也。然欲治肺而止嗽則益害肺而嗽愈甚。蓋肺受病而爲嗽者必有因以治之。治其因則嗽自愈。若不詳所自而徒事於肺則氣無所歸。或邪無所散。肺愈苦而嗽愈甚矣。凡傷風久而肺氣已虛發熱咳嗽服發散藥而嗽愈甚。或被發散太過者當用收斂之劑補之。然虛嗽有二。日間嗽多吐痰白沫或惡心者爲氣虛宜六君子湯加款冬五味子。如夜嗽多口渴痰不易出發熱爲血虛宜六味地黃料加麥冬五味子。若咳而脈緊者咳而羸瘦脈形堅大者咳而脫形發熱脈小堅急者咳而嘔腹脹且泄其脈弦急者皆死不治。

肺屬金射於皮毛所主者氣腎屬水主於骨髓所藏者精  
氣輕浮易上而難下精沉重易下而難上此物性之自然  
有肺之盛者卽熱之作也氣得而上蒸則不能下生於腎  
而腎受邪故治腎病必先求之於肺是清其源而滋其化  
也經曰五臟六腑皆令人咳非獨肺也蓋五臟各以其時  
受病非其時各傳以與之有自外得者肺主皮毛風寒暑  
濕之邪自皮毛入內傳臟腑而爲嗽也有自內發者七情  
饑飽內有所傷則邪氣上逆肺爲氣出入之道故五臟之  
邪上蒸於肺而爲嗽也然風寒暑溼有不爲嗽者蓋因所  
感者重不畱於皮毛徑傷臟腑而成傷寒溫熱諸病七情



亦有不爲嗽者。蓋病尙淺，只在木臟，未傳入肺，所以傷寒以有嗽爲輕，而七情饑飽之嗽必久而後發爲重也。夫津液既凝爲痰，則不復生血，以周潤三焦，故口燥咽乾，大便秘結，面如枯骨，毛髮焦槁，婦人則因此月水不通，若能化去敗痰，自然服餌有效。然不得過行燥劑，使痰溼既消，津液亦槁，去溼留熱，又非其治矣。務使休痰復爲津液，猶化盜賊復爲良民可也。

丹溪曰：咳嗽有風寒，有火，有痰，有勞，有肺脹，風寒者鼻塞聲重，惡寒而白脈弦微是也。宜發散行痰，又有聲啞及喘嗽，遇冬則發，此寒包熱也。解表則熱自除，感冷則咳膈上。